



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐՈՒԹՅՈՒՆ**

**ՀՐԱՄԱՆ N 431-ՆԿ**

**« 18 » 08 2010թ**

**ՀՈՒՇԱՐՁԱՆՆԵՐԻ ՏԵՂԵԿԱՏՎԱԿԱՆ ՇՏԵՍԱՐԱՆԻ ԱՏԵՂԾՄԱՆ ԵՎ ՎԱՐՄԱՆ  
ԸՆԹԱՑԱԿԱՐԳԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով ՀՀ վարչապետի 2010 թվականի հունիսի 30-ի «Հայաստանի Հանրապետության մշակույթի նախարարության բիզնես գործընթացների կանոնակարգման միջոցառումների ծրագիրը հաստատելու մասին» N 490-Ա որոշմամբ հաստատված հավելվածի 4-րդ կետը՝

**ՀՐԱՄԱՅՈՒՄ ԵՄ**

1. Հաստատել՝

1) «Հուշարձանների տեղեկատվական շտեմարանի ստեղծման և վարման ընթացակարգը» համաձայն՝ հավելվածի N 1-ի.

2) Տեղեկույթի տրամադրման ժամանակացույցը՝ համաձայն հավելված N 2-ի:

2. «Հուշարձանների տեղեկատվական շտեմարանի ստեղծման և վարման» լիազորությունները վերապահել նախարարության աշխատակազմի մշակութային ժառանգության և մշակութային արժեքների վարչությանը:

3. Նախարարության աշխատակազմի մշակութային ժառանգության և մշակութային արժեքների վարչության, Պատմության և մշակույթի հուշարձանների պահպանության գործակալության, «Պատմամշակութային ժառանգության գիտահետազոտական կենտրոն» և «Պատմամշակութային արգելոց-թանգարանների և պատմական միջավայրի ծառայություն» ՊՈԱԿ-ի ղեկավարներին ապահովել «Հուշարձանների տեղեկատվական շտեմարանի ստեղծման և վարման ընթացակարգի» պահանջների կատարումը:

4. Սույն հրամանի կատարման պատասխանատվությունը դնել նախարարության աշխատակազմի մշակութային ժառանգության և մշակութային արժեքների վարչության պետ՝ Ա. Սարգսյանի վրա:

5. Սույն հրամանի հսկողությունը դնել՝ նախարարի տեղակալ Ա. Սամուելյանի վրա:

Նախարար՝

ՊՈՂՈՍՅԱՆ

Կատ.՝ Գ. Մոմջյան  
Հեռ.՝ 523903







Հավելված N 1  
ՀՀ մշակույթի նախարարի  
2010 թվականի 18.08 N 431-Ա հրամանի

#### ԸՆԹԱՑԱԿԱՐԳ

ՀՈՒՇԱՐՁԱՆՆԵՐԻ ՏԵՂԵԿԱՏՎԱԿԱՆ ՇՏԵՍԱՐԱՆԻ ՍՏԵՂԾՄԱՆ ԵՎ ՎԱՐՄԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգով (այսուհետ՝ ընթացակարգ) սահմանվում է հուշարձանների տեղեկատվական շտեմարանի ստեղծման և վարման գործընթացը:

2. Սույն ընթացակարգը նպատակն է հուշարձանների վերաբերյալ ամբողջական տեղեկատվության և արագ հավաքագրման, դյուրին իրազեկման հնարավորության ստեղծման ապահովումը, Պատմության և մշակույթի հուշարձանների պահպանության գործակալության, «Պատմամշակութային ժառանգության գիտահետազոտական կենտրոն» և «Պատմամշակութային արգելոց-թանգարանների և պատմական միջավայրի ծառայություն» ՊՈԱԿ-ի կողմից հուշարձանների վերաբերյալ տեղեկատվության ներկայացման ձևաչափի և ժամկետների սահմանումը:

3. Հուշարձանների տեղեկատվական շտեմարանը տեղեկությունների համակարգ է, որը իր մեջ պարունակում է տեղեկություններ հուշարձանների տեղադրության, հուշարձանների պահպանական գոտիների, հուշարձանների սեփականատերերի և օգտագործողների, հնագիտական պեղումների, հուշարձանների վկայագրերի, չափագրությունների, վերականգնվող հուշարձանների և հուշարձանների պարտավորագրերի մասին: Հուշարձանների տեղեկատվական շտեմարանի վարման համար համապատասխան նյութեր են հանդիսանում սույն ընթացակարգի 8-10-րդ կետերով սահմանված ստորաբաժանումների կողմից տրված նյութերը:

4. Պատմության և մշակույթի հուշարձանների պահպանության գործակալության, «Պատմամշակութային ժառանգության գիտահետազոտական կենտրոն» և «Պատմամշակութային արգելոց-թանգարանների և պատմական միջավայրի ծառայություն» ՊՈԱԿ-ների կողմից՝ նախարարության աշխատակազմի մշակութային ժառանգության և մշակութային արժեքների վարչությանը տեղեկությոն տրամադրվում է համաձայն սույն հրամանի 2-րդ հավելվածով հաստատված ժամկետներում:



5. Նախարարության աշխատակազմի մշակութային ժառանգության և մշակութային արժեքների վարչությունը ստացված տեղեկությոյնը մեկ ամսյա ժամկետում ամփոփում և ներառվում է հուշարձանների տեղեկատվական շտեմարանում:

6. Նախարարությունում ընթացակարգի կազմակերպման և վարման համար պատասխանատու է նախարարության աշխատակազմի մշակութային ժառանգության և մշակութային արժեքների վարչության պետը:

## 2. ՀՈՒՇԱՐՁԱՆՆԵՐԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅԱՆ ՏՐԱՍՆԱԴՐՍԱՆ ԺԱՍԿԵՏՆԵՐԸ ԵՎ ՁԵՎԱԶԱՓԸ

7. Հուշարձանների տեղեկատվական շտեմարանի վարման նպատակով՝ տեղեկությոյն տրամադրողներն են՝

1) Պատմության և մշակույթի հուշարձանների պահպանության գործակալությունը,

2) «Պատմամշակութային ժառանգության գիտահետազոտական կենտրոն» ՊՈԱԿ-ը,

3) «Պատմամշակութային արգելոց-քանգարանների և պատմական միջավայրի ծառայություն» ՊՈԱԿ-ը:

8. Պատմության և մշակույթի հուշարձանների պահպանության գործակալությունը տրամադրում է՝

1) տարածքային կառավարման և տեղական ինքնակառավարման մարմինների կողմից համաձայնեցված ու հաստատված հուշարձանների պահպանական գոտիների ցանկը,

2) վերականգնված հուշարձանների ցանկը,

3) Սեփականությամբ կամ օգտագործման իրավունքով հանձնվող հուշարձանների ցանկը, ինչպես նաև դրանց պայմանների փոփոխման վերաբերյալ տեղեկությոյնը,

4) հուշարձանների պահպանական պարտավորագրերի ցանկը,

5) հնագիտական հետախուզման և պեղումների համար տրված թույլտվությունները, ինչպես նաև դրանց վերաբերյալ կազմված հաշվետվությունների ցանկը:

6) նորահայտ հուշարձանների ցանկը՝ իրենց նկարագրությամբ և լուսանկարներով:

9. «Պատմամշակութային ժառանգության գիտահետազոտական կենտրոն» ՊՈԱԿ-ը տրամադրում է՝

1) արխիվում առկա պահպանական գոտիների ցանկը ըստ հաստատման տարեթվերի,

2) հուշարձանների չափագրությունների ցանկը,



3) հուշարձանների վկայագրերի ցանկը:

10. «Պատմամշակութային արգելոց-թանգարանների և պատմական միջավայրի ծառայություն» ՊՈԱԿ-ը տրամադրում է՝

1) արխիվում առկա հուշարձանների չափագրությունների ցանկը,

2) արխիվում պահվող հուշարձանների վերականգնման նախագծերի ցանկը:

11. Պատմության և մշակույթի հուշարձանների պահպանության գործակալության, «Պատմամշակութային ժառանգության գիտահետազոտական կենտրոն» և «Պատմամշակութային արգելոց-թանգարանների և պատմական միջավայրի ծառայություն» ՊՈԱԿ-ի կողմից հուշարձանների վերաբերյալ ամբողջական տեղեկատվությունը նախարարության աշխատակազմի մշակութային ժառանգության և մշակութային արժեքների վարչությանը տրամադրում է էլեկտրոնային ձևաչափով՝ ըստ հավելված N 2-ով հաստատված ժամանակացույցի:

ՀՀ մշակույթի նախարարության  
աշխատակազմի ղեկավար՝

Ս. Ավետիսյան



201

թվականի / 30-3 թվականի

համարի 43/-Ա հրամանի

Հավելված N 2

ՏԵՂԵԿՈՒՅԹԻ ՏՐԱՄԱԳՐՄԱՆ ԺԱՄԱՆԱԿԻ



N	Ստորաբաժանման անվանումը	Տեղեկատվության անվանումը	Տեղեկատվության
I	Պատմության և մշակույթի հուշարձանների պահպանության գործակալություն	Տարածքային կառավարման և տեղական ինքնակառավարման մարմինների կողմից համաձայնեցված ու հաստատված հուշարձանների պահպանական գործիքների ցանկ	յուրաքանչյուր եռամսյակի վերջում
	Վերականգնված հուշարձանների ցանկ	Մեփականությանը կամ օգտագործման իրավունքով հանձնվող հուշարձանների ցանկը, ինչպես նաև դրանց պայմանների փոփոխման վերաբերյալ տեղեկույթը	յուրաքանչյուր կիսամյակի վերջում
	Հուշարձանների պահպանական պարտավորագրերի ցանկ	Հնագիտական հետախուզման և պեղումների համար տրված բույլատվությունների ցանկ	յուրաքանչյուր կիսամյակի վերջում
	Նորահայտ հուշարձանների ցանկ		տարին երկու անգամ, յուրաքանչյուր կիսամյակի վերջում
2	«Պատմամշակութային ժառանգության գիտահետազոտական կենտրոն»	Լիցիլիզիոն առկա պահպանական գործիքների ցանկ	տարին մեկ անգամ յուրաքանչյուր տարվա վերջում



	ՊՍԱԿ			
		Հուշարձանների չափագրությունների ցանկ	տարին երկու անգամ յուրաքանչյուր կիսամյակի վերջում	
		Հուշարձանների վկայագրերի ցանկ	տարին մեկ անգամ յուրաքանչյուր տարվա վերջում	
3	«Պատմաշահութային արգելոց-թանգարանների և պատմական միջավայրի ծառայություն» ՊՍԱԿ	Արխիվում առկա հուշարձանների չափագրությունների ցանկ	տարին երկու անգամ, յուրաքանչյուր կիսամյակի վերջում	
		Արխիվում պահպանվող հուշարձանների վերականգնման նախագծերի ցանկ	տարին մեկ անգամ յուրաքանչյուր տարվա վերջում	

ՀՀ մշակույթի նախարարության  
աշխատակազմի ղեկավար՝

Ս. Ավետիսյան